

所謂去甚去奢去泰也

臨川王安石曰安於所安則能去甚以儉爲寶則能去奢以不足自處則能去泰矣

陳象古曰此過常踰分之謂也如是者何由爲之執之不知其要故也

清源子劉驥曰譬如萬物之理有行則有隨有噓則有吹有強則有羸有載則有墮物之變化何常之有唯聖人體道之常無古無今與道爲一而合於自然去甚去奢去泰則體道之自然而養其心矣

黃茂材曰凡物或行而前或隨而後或噓之則煖或吹之則

道藏輯要

道德真經
彭鶴林集註

去

心集七
川上

寒或其勢強或其力羸或始而載載安也盛也或終而墮其行也其噓也其強也其載也近於太過其隨也其寒也其羸也其墮也近於不及是以聖人去甚去奢去泰務適其中而已經曰多言數窮不如守中

程大昌曰甚也奢也泰也則不可不去而未至於已甚已奢已泰則置之勿論曹參從蓋公學黃老而曰不擾獄市以爲獄市姦人之所容也而擾之則姦人無所容也

以道佐人主章第三十

以道佐人主者不以兵強天下其事好還

御註曰孟子所謂反乎爾者

穎濱蘇轍曰聖人用兵皆出不得已非不得已而欲以強勝天下雖或能勝其禍必還報之楚靈齊愾秦始皇漢武帝或以殺其身或以禍其子孫人之所毒鬼之所疾未有得免者也

臨川王安石曰明則人報之幽則天報之殺人之父人亦殺其父殺人之兄人亦殺其兄人報之也師之所處荆棘生焉大軍之後必有凶年者天報之也

劉概曰以道佐人主者不以兵強天下故孔子對衛靈公之問則曰俎豆之事則嘗聞之矣軍旅之事未之學也

葉夢得曰古之善用兵者毒天下而民從之亡國而不失人

道藏輯要

道德真經
彭鶴林集註

七

心集七
川三ノ

心蓋知禍之端不在我非以是為強也

黃茂材曰使其勝之事且好還況有不勝者乎

程大昌曰課其酬復其斃人乃以自斃也

師之所處荆棘生焉大軍之後必有凶年

御註曰下奪民力故荆棘生焉上違天時故有凶年

穎濱蘇轍曰兵之所在民事廢故田不修用兵之後殺氣勝

故年穀傷凡兵皆然而況以兵強天下者耶

黃茂材曰師之所處田事廢故荆棘生大軍之後和氣傷故有凶年兵之為人害如此

故善者果而已矣不敢以取強焉

御註曰以強勝人是謂凶德

碧虛子陳景元曰兵之害物也人神共惡之然而明王聖主未嘗去者其所自來上矣庚桑子曰有以咽藥而死者欲禁天下之醫非也有以乘舟而死者欲禁天下之船非也有以用兵喪其國者欲禁天下之兵非也夫兵之不可廢譬水火焉善用之則爲福不善用之則爲禍是故怒咎不可偃於家刑罰不可偃於國征伐不可偃於天下古之聖王有義兵而無偃兵也故以道輔人主者當守雌靜不敢以兵強天下若爲敵所侵不得已而應之故曰善用也果猶勇也言善用師者勇於濟難而已矣

道藏輯要

道德真經
彭鶴林集註

卷

心集七

穎濱蘇轍曰果決也德所不能緩政所不能服不得已而後以兵決之耳

臨川王安石曰用兵者不過勝而已故曰善者果而已果者勝之辭也

程大昌曰果似強而非強強以力果以理揆之以理而不可已乃斷然奮行無能沮遏之者是之謂果若理未可動雖兵力百倍亦可輕舉此果者所以不肯爲強也老氏之論兵也慈哀恬澹如不欲有兵然則敵之至殆將不忍與鬪而以何立國故此章論果凡其開許用兵者惟此一路也其曰不敢以取強焉言善其事者一果之外勢可以強亦不敢爲也

果而勿矜果而勿伐果而勿驕果而不得已果而勿強

穎濱蘇轍曰勿矜勿伐勿驕不得已四者所以爲勿強也

程大昌曰矜者自揚其能也伐者自夸其功也驕者謂敵爲不足畏也此三者皆出於嘗戰而勝乃始有之故從而戒之曰果可爲也矜伐驕皆不可爲也兵家之語曰難與慮敵而有識者則又曰有道之主能持勝皆慮其狃勝而銳於自恃則向焉迫不得已之果遂將轉而入於怙力之強也故老氏逆以爲戒

物壯則老是謂非道非道早已

碧虛子陳景元曰夫草木之生也柔脆其壯極則枯落人之

道藏輯要

道德真經
彭鶴林集註

九

心集七
六一

幼也柔弱其壯極則衰老以喻用兵壯武則雄力暴興暴興則敗矣既敗則不得謂之有道夫非道之事不可法則而行是知不如早止也故義兵王應兵勝忿兵死驕兵滅善用兵者決定果敢不矜不忿不貪不驕迫不得已而後應之義在除敵救人亦非恃力好戰也治身解曰人之枯槁因不行道不行道者早死而已矣

穎濱蘇轍曰壯之必老物無不然者唯有道者成而若缺盈而若沖未嘗壯故未嘗老未嘗死以兵強天下壯亦甚矣而能無老乎

道真仁靜先生曹道沖曰道貴於生兵戰殺傷是謂不道既

知戰非保生之道早已謂宜早止

黃茂材曰兵強者必敗物壯者必老皆爲非道不能長存
程大昌曰使哀詔而棄輪臺在未築朔方之前則文景之富
庶不虛耗矣

夫佳兵章第三十一

夫佳兵者不祥之器物或惡之故有道者不處

御註曰吉事有祥兵凶器也故曰不祥兵戢而時動有道者
耀德不觀兵故不處

穎濱蘇轍曰以之濟難而不以爲常是謂不處

達真子曰佳兵者兵之善者也佳兵者不祥之器言其驚異

道藏輯要

道德真經
彭鶴林集註

三

心集七
川上三

於常矣以佳兵驚異於常雖飛潛竄伏之物猶且惡而避之
而況有道者乎故曰物或惡之故有道者不處言不處心於
此也

是以君子居則貴左用兵則貴右兵者不祥之器非君子之器
不得已而用之恬淡爲上故不美也若美必樂之樂之者是樂
殺人也樂殺人者不可得志於天下矣

御註曰左爲陽而主生右爲陰而司殺陽爲德陰爲刑君子
貴德而畏刑故曰恬淡爲上無心於勝物則兵非所樂也故
不美國君好仁天下無敵安其危而利其菑樂其所以亡者
怨之所歸禍之所集也